

東明縣志卷之七

雜志

災祥必紀重修省也疇範以五事統五行有道之世五行各得其性而福應至焉其徵爲祥爲休則雨暘燠寒風時若而庶草繁茂無道之世五行各失其性而六極應焉其徵爲災爲咎則雨暘燠寒風恒若而庶草枯死災祥由已而不由天休咎在上而累及下故春秋災異必書以示儆而易震象有恐懼修省之戒此其義也司牧者誠思夫召災之由與夫弭災之道側躬罪已以圖

東明縣志

卷之七

雜志

一

補救未始不可爲民請命如曰災異之見也諸郡則同也四隣之邑則同也豈予一人能止之則夫蝗不入境虎北渡河豈異人任乎至于物怪人妖神奇鬼異係人事之得失關師尹之省驗亦不可以事涉幽渺而不錄也若夫外傳逸事足脩觀覽仙釋之流源出二氏亦附於末以資好古者採擇焉併附各寺觀於其後爲雜志

知縣楊日升識

年紀災祥

春秋魯隱公二年公會戎于潛

杜預曰陳留濟陽縣東南戎城是也昭公

十年秋公會晉侯宋公衛侯鄭伯曹伯莒子邾子滕

子薛伯杞伯小邾子于平 八月甲戌同盟于平

平丘在縣西南哀公十三年公會晉侯及吳子于黃池七月

辛丑盟景伯還及戶牖

梁惠成王三十年城濟陽

秦始皇二十八年東遊至戶牖鄉忽昏霧四塞不能進

因各其地為東昏築臺以厭之名秦臺

東明縣志

卷之七

雜志

二世二年七月沛公畧魏地至東昏及項羽追章邯

于濮陽破之邯復守濮陽環水

二世 年項羽欲屠外黃外黃令舍人諫止之

漢文帝十二年河決酸棗東潰金堤興卒塞之

武帝 年始置東昏縣屬陳留郡

成帝建始四年秋大雨十餘日河大決東郡金堤凡

灌四郡三十二縣水滄地十五萬頃深三丈壞官民

室廬四萬所

哀帝建平元年濟陽有嘉禾生一莖九穗

是年十二月甲子光

武生于濟陽
赤光滿室

新莽改東昏為東明

光武復東明為東昏

明帝永平十二年夏四月修汴渠隄初平帝時河汴
决壞久而不修其後汴渠東侵兗豫會有薦王景能
治水者于是詔景與將作謁者王吳修之自滎陽東
至千乘海口千餘里每十里立一水門令更相洞注
無復潰漏之患汴渠隄即漢文帝時所壞金堤也
十三年夏四月汴渠成河汴分流復其故跡

東明縣志

卷之七

灾祥

三

章帝建初八年六月東昏城下池水赤如血

靈帝中平元年宛句縣妖草生

其莖大如手指狀似鳩雀龍蛇鳥獸之形

毛羽頭目足翅皆具是歲黃巾賊張角等起

曹魏廢縣為東昏鎮以其地

入外黃濟陽屬濟陽郡

晉安帝隆安元年六月巳酉歲星在東壁

占曰衛地饑有兵

齊和帝中興元年廢寶卷為東昏侯

後魏世祖神

年十二月丙戌流星首如甕長二

十餘丈

數十斛色正赤光燭人自天船及河抵

奎及于壁

占曰天船以濟兵車奎為徐方壁為隋廢帝是時宋將劉彥之等侵魏魏大捷

陳留郡

唐太宗貞觀元年分天下爲十道曰河南治陳留曰河
北治魏郡

僖宗乾符二年五月王仙芝陷濮曹州冤句縣人黃
巢聚衆應之

宋太祖建隆元年澶濮諸州自春正月至于夏六月不
雨

乾德元年正月澶滑魏諸州饑詔發廩賑之是年以
東昏鎮置東明縣屬開封府爲畿內地乾德四年滑

東明縣志

卷之七

灾祥

四

州靈河縣堤壞水東注曹州南華縣

開寶元年大水民饑命發廩賑之是年東明產瑞麥
太平興國八年夏及秋河水害田釋死罪以下

端拱元年黃河水清二百餘里

淳化元年旱災民大饑蠲其租十之七

淳化三年復旱

治平元年饑遣使賑恤蠲租

熙寧四年市易司始權河北諸州鹽東明民食鹽于
官

元豐四年五月東明民數百入京詣王安石私第訴助役升降登第之法安石論以相府不知訴之御史臺臺不受訴論令散去于是提點趙子幾怒東明尹賈蕃不能禁撫以他事坐之楊繪劉摯並以論救貶元祐元年監察御史王巖叟奏罷大名諸州縣權鹽法

靖康元年寇入東明京東將董有隣率衆拒之斬首十餘級先是長垣陷知縣上官敏功死之時東明宋晟督兵力拒城始得全手詔嘉之改其官張俊亦

以守東明有功轉武功大夫

建炎三年東明縣沒于金

紹熙五年制沿河置埽二十五在河北者十九濬滑都巡河官一人白馬東明散巡河官各一人

嘉泰十五年宋大名忠義彭義斌復京東州縣

金興定二年廢東明縣爲通安堡

正大元年東明王鶚進士及第是年曹州滄廢乃割東明隸曹州九年罷通安堡爲縣改名儀封仍割蘭陽六鄉爲蘭陽縣

世祖至元元年置白馬東明瀋州等綱 二十二年
秋河水害田 二十五年河北徙東明曹濮等處被
其害

元貞二年水 六月蝗 八月旱蝗

大德元年大名路旱 三年罷大名路黃河故道田
所輪租 五年四月蟲食桑 六月旱 七月復水

至大元年五月蟲食桑

延祐元年三月隕霜殺桑果及禾苗

至治二年十二月太白守螢惑三星聚于室

東明縣志

卷之七

灾祥

六

太定元年饑詔發粟賑之 三年大名路旱蝗民饑
詔並賑之

天 二年三年八年二十七年旱蝗

至順元年河決長垣東明漂民田五百八十餘頃

至元三年六月辛巳大霖雨河水溢没人畜廬舍甚

重

至正四年五月大霖雨河溢決白茅堤金堤 九年

詔修金堤民夫日給鈔三貫 十一年賈魯濬河得

石人於黃陵岡一眼 先是河南北童謠云石人一隻
眼挑動黃河天下反是年真魯

發河南北丁夫十七萬人開溝黃河故道民心愁怨思亂果于黃陵岡得石人一眼而汝穎斬黃之兵起十二年水旱蝗大饑給鈔賑之是年賊寇濬滑諸州勢甚猖獗詔起德任爲河南右丞守東明德任馳入東明輒繕城墜嚴備禦賊不敢逼十七年劉福通督兵寇大名路陷之已而太不花襲復大名及諸州皆下之詔中書右丞也先不花御史中丞成遵宣之撫之二十八年明兵取廣平彰德衛輝而北大名諸州縣不戰而降八月遂爲明

明洪武元年河溢響口灌粟明曹州溺死人畜壞官民

東明縣志

卷之七

七

廬舍不可勝計二年黃河泛漲人民四散縣治遂廢

宣德六年秋七月霖雨傷稼詔蠲租稅

水決堤沒田詔蠲其稅 已未年大水

大名府屬州縣自七年冬至今年夏六月

稿死命行在戶部遣官覆視蠲其稅

境內蝗遣官馳驛督捕

時行在戶部奏言本府境內蝗蝻傷稼雖悉力捕而正統元年夏五月河決堤沒田詔築堤蠲租

正統元年夏五月河決堤沒田詔築堤蠲租

年河決陽武循響子曰故道東流抵濮州張秋入海
命工部尚書石璞侍郎王永和都御史王文相繼塞
之績弗成 十四年河頭朱家口大饑
景泰五年河始平

天順元年詔免大名境內去歲被災田租 二年大
蝗既而抱草死臭不可近 五年夏麥大熟穗有兩
岐者秋穀登有一莖二穗至三四穗者
成化二十年歲大旱人饑相食 二十二年東臺里
耆民李恕等奏復縣治 二十三年歲大饑人相食

治二年河決荆隆口黃陵岡東經曹濮決張秋運
河 四年復治東明縣于大善集割其故境之入于
長垣開州者籍之是年知縣官顯來任 五年何復
決荆隆口由黃陵岡北趨張秋絕運河而東掠汶入
海命右副都御史劉大夏太監李興平江伯陳銳以
丁夫十有二萬往治決河乃先疏祥符滎澤上流東
入于淮又疏賈魯舊河四十餘里出之徐州支流既
分水勢漸殺乃築塞張秋決口又于黃陵岡之東西
築長堤各三百餘里于是黃河東流經歸德徐州達

于淮而張秋之決遂塞

正德二年黑青兒

青氣黑色昏暮間突出有物如狸或如犬其行如風或傷人面或齧

人足尤殘小兒一夜數十發居民擊金革器群聚待旦約二十日廼息

六年薊盜劉六

等衆數萬攻東明城知縣劉鸞堅守不下指揮使喬

璽赴援力戰死之已而遊擊將軍許泰兵到大勝賊

乃解去 十年大旱民饑 十五年春三月大風拔

木木柯火光飛流

嘉靖元年十一月山東流賊王鏜曹四等寇東明兵

討副使劉秉鑑督兵拒之不得逞焚杜勝集渡河而

東明縣志

卷之七

災祥

九

南鑑復追之于鈞州尋被擒 二年大風晝晦踰旬

始息夏旱秋八月復霖雨民大饑死者相望于道

五年五星聚于營至十一月星隕如月向西北迅去

良久廼滅空中有聲如鼓 六年旱六月廼雨 七

年春米斗過百錢因行折二錢人有相食者詔免田

租十之八 九年秋大水詔免田租十之七 十二

年秋霖雨四旬方止 十三年冬十二月壬寅大風

晝晦紅沙漲天如黑夜移時乃稍如常 十六年春

二月雨至八月禾稼一空大疫 十八年大旱民饑

二十年山西大亂畿輔之間騷然始檄諸州縣繕
堡二十一年大水禾沒民多流亡二十二年春
二月大雨雹群龍見是後屢遭大水二十三年大
水饑知府張謙請籍官庫代輸其夏稅之數民甚德
之立生祠二十六年曹州妖僧聚兵爲亂大名及
河南山東隣州郡騷然都御史蘇公祐檄兵備副使
李冕提民兵數千屯東明賊尋縛罷兵二十八年
大旱無麥三十年大水饑甚命有司賑濟有差是
歲漳衛水決平地水深數尺魏縣元城長垣東明尤

甚溺死者無筭知府張瀚撫循備至出官庫銀錢賑
給之民賴以生三十一年復大水三十二年夏
旱秋復大水有司發廩賑之三十三年大饑斗米
二百餘錢詔戶部發帑賑之三十八年有星隕于
楊子彬屯火光墜地無迹

隆慶二年邑人吏科給事中石星諫言忤旨廷杖落
籍爲民是年大水革種馬十分之二三年大水
四年革種馬十分之二

萬二年蝗四年大水傷穀五年復大水八月

彗星見于西南光芒數丈兩月始滅 七年盡革
馬 十年旱 十三年旱 十五年大旱田禾乾死
免存留米及棗株課米有差是歲秋黃河決荆隆口
浸至城下假筏以行邑城幾至漂沒 十六年大饑
斗米二百餘錢人相食疫氣流行人死強半巡撫賈
請發臨清皇米賑濟州縣俱發米煮粥夏麥大熟委
棄在野不盡收刈 十七年潞王之國州縣徵發夫
役 十八年三月三日黑風起自西北飛沙走石咫尺
不辨出遊者或墮井或凍死災變異常自申至夜

東明縣志 卷之七

七

分始定 十九年知縣區大倫奉知府塗時相檄建
社倉四所 城中海頭南 八月知縣區大倫奉知府塗

時相檄給民耕牛九月給民麥種 二十年夏旱知

縣區大倫詣河剪髮瓜祈禱旋即雨十月雷震是年

寧夏兵變兵部尚書石星命將討平之以功加少保

蔭一子錦衣衛指揮 二十一年春民饑四月後大

雨壞麥 二十二年秋大水 二十七年蚜蚘食花

二十八年十一月大雨二晝夜泥水不成凍 三

十一年秋大雨平地水深二尺禾稼盡傷 三十二

年十月大雨成冰樹木盡折 三十四年秋大水平
地深數尺禾稼傷損十之七八 三十五年飛蝗自
東北來障天蔽日經過二十餘日不盡有落下者卽
遺種其地嗣後蝗蝻復生 三十六年大蝗嗣後豆
重遍地豆田幾爲傷盡 三十八年大蝗 四十年
河南山東大蝗距邑境不遠忽有烏鴉數萬餘迎而
食之遂不入境 四十一年畿內大水邑西北數處
傷禾稼其餘倖免 四十三年三月至七月不雨民
情嗷嗷多逃亡者蓋自京畿河北以至山東方二千
禾稼祭告輒飛去

東明縣志

卷之十 災祥

三

里

天啟五年春大旱四月始雨秋禾甫起飛蝗至大嚼
崇禎六年除夜雷電暴雨 七年二月中麥黃萎有
蟲織芥叢生白根至末不知何物俗呼爲麥虱是歲
二麥無收 十三年春夏秋俱不雨入冬盜賊蜂起
會霜嚴途中凍死者枕籍至冬賊劫四境殺戮甚慘
燒南北關人相食道殪相望撫院中軍王衍範數攻
擒賊斬獲有奇功 十四年春民苦于歲可苦賊繼

又苦餉生計乏絕父子兄弟夫妻相食無忌有司不能禁米麥價俱錢二千一斗樹皮樹葉爭取嚼吞二月瘟疫大作有一家而死數日者有一家而全歿者白骨山積遺骸徧野蝻祟復作二麥俱盡居民死亡參半四境荒涼蓬蒿滿目是時撫民者草菅百姓寃殺七士闔邑扼腕道路以目莫敢言者至秋始雨二麥得種人心稍安入冬民漸有生先是寇侵孟大夫集叅將張成福破之十五年二麥吐花蝻復生邑迤北食麥無遺居民掘塹設火蚕食愈甚天降黑蜂

東明縣志

卷之七

灾祥

三

搜蝻而食蝻入土隨化爲蜂三日蝻盡而蜂不知其所之傳爲神異 甲申春三月逆闖僞官王秉純至四月

皇清定鼎鄉宦張力劉璧星范春駿李允樟生員辛廣慈倡義討僞官誅衙蠹程抱六等執五官尋解賊營不屈死之

順治元年八月署東明縣知縣段騰藻任事 五年秋七月山東寇李化鯨作亂掠曹而西擁賊衆百萬薄城下重圍十五晝夜知縣曹良輔會邑人辛廣恩

董三晉崔拱乾陳延祚內修捍禦外請救援會三省
滿漢兵會勦圍始解當時寇挾村民攻城鞭笞不堪
大軍架入玉石俱焚白骨盈野後餘孽未靖乘間剽
掠百姓宵晝守望卧不安枕者數載 七年秋九月
河決荆隆口抵張秋南北闊六十餘里城垣三面盡
頽北關城堤玉帶橋傾入漆河廬舍人田漂沒無算
詔蠲租知縣楊素蘊申請 督 撫 題允撥滑縣兩
年存留銀五千二百餘兩接濟官師俸薪諸生廩餼
暨衙役驛遞諸工食 冬十月日食晝晦星見 八

東明縣志

卷之七

史詳

古

年冬十一月河塞 九年夏六月河復決泛溢如初
十一年夏四月

詔遣內通政使哈愷刑部侍郎杜立德蠲內帑賑濟畿
輔給本邑災民布四百二十疋銀三千七百六十兩
有奇士民胥慶是時有城南村老嫗 氏者百二十
五歲兩子俱八九十歲人扶掖請賑杜公改容敬之
稱爲人瑞加賑布二疋銀四兩屬有司歲時恤焉

夏六月地震 十二年冬十月河塞 十四年歲稔
穀賤 十五年春二月

詔遣滿洲大人阿思哈都御史傅維鱗賑濟全畿給邑民銀五百四十兩有奇 十七年春旱四月始雨康熙元年秋八月雨六晝夜乃止 九月沁水溢河渠突漲月餘方涸 四年春大旱四月始雨是歲蠲租三分 六年秋七月蝗縣丞孔 檜督民捕滅蒙蠶租三分 七年夏六月地震樓房有傾頽者有星自西南隕聲震若雷赤痕繞空自申至戌方滅 九年春早知縣楊日升緩徂宿壇禱雨冠裳待旦其霖立沛歲大稔 秋山東牛市口決總河檄徵東長二邑各協濟柳稍十一萬五千束邑民洵懼知縣楊日升剴切申詳蒙府道院力請總河二邑各蠲其半民稍甦息 十年秋旱知縣楊日升步禱三日雨澤隨至四境霑足晚收報成 十一年夏蝗飛蔽日知縣楊日升齋沐醮禱城隍蝗不停落稍停旋即遠去菽麥無害 秋初晚禾茂蝻子復生叢躍一二尺許知縣楊日升下令有能撲打五斗者給穀獎賞多者倍之偕縣丞汪源典史吳人傑親督撲蝻百姓爭先澹潢驅納無間晝夜不數日撲盡無遺是年書大有

十四年滇黔用兵大軍道經於邑 二十六年旱蠲免租稅 三十三年邑西水坡村土冰自起高三尺濶二尺餘是年大水 三十四年四月初六日戌時地震 四十一年五月大風拔木屋瓦皆飛 四十二年三月靈雨壞麥秋沁水大至北門外玉帶橋衝圯是歲大飢斗米三百餘錢 四十三年春奉文煮粥賑濟倉米不繼富民崔明桂捐助月餘大疫夏麥大熟 四十六年四月大雨雹縣南二十里外麥盡傷樹葉皆無如冬 四十八年黃河水溢裴子岩李

東明縣志

卷之七

災祥

七

官營等處被其害踰月始涸 五十年

上六十萬壽錢糧盡行蠲免 五十三年旱四月始雨

秋禾爲蚜蚘所食 六十年大旱無麥七月河決釘

艇幫水大至濶三十里城四面皆頽西北一帶廬舍

田禾漂沒無算是年旱災蠲免銀二千三百有奇水

災蠲免銀二千一百有奇發倉賑濟穀一萬三千八

百石有奇截留漕米賑濟五千三百八十五石有奇

六十一年黃水復發蠲免銀二千一百有奇

雍正元年

欽差通政司李鳳翥按臨賑濟舊年被水窮民給散銀
三千八百二兩四錢 七年因連歲豐稔人民樂業
聖心深慰錢糧每兩蠲免一錢七分共蠲免銀五千三
百八十兩有奇 八年因地方吏牧得人感召天和
連年豐收錢糧每兩蠲免一錢六分六厘共蠲銀五
千五十五兩二錢三分是年秋被水復蠲免銀一千
六百七十五兩二錢五分 九年春煮粥施濟全活
甚衆

乾隆四年因數歲豐樂錢糧共蠲免一萬一千一百

東明縣志

卷之七

災祥

又二
十五

三十八兩七錢有奇七月雨數日不止河水溢平地
水深二三尺復蠲免錢糧三千七十五兩九錢有奇
急賑一月用穀九百三十五石七斗續賑三月用穀
四千三百四十四石五斗又減價糶賣以濟貧乏

五年蝗 十一年因大慶錢糧盡行蠲免 十二年

賈文村被水蠲免三十七兩三錢六分秋慧星見於
西方 十三年大旱四月乃雨糧價騰躍斗米錢二
百餘文 十六年河決陽武平地水深三四尺濶四
十里廬舍漂蕩田禾盡沒蠲免錢糧四千六百六十

八兩六錢有奇急賑用穀四千六百二石續賑加賑
共用銀七千九百一十六兩五錢分給房價棉衣有
聞賑歸來者又賑銀四百八十六兩來春借與子種
民乃安堵 十七年飛蝗徧野 制臺方率屬親臨
撲滅 十八年麥大熟

妖異

石人異 元至正十年河南北童謠言石人一隻眼挑動黃河天下反及賈魯治河于黃陵岡得石人一眼而汝穎之兵起

石獅異 明洪武初東明縣有老嫗遇異人指縣治前去可免也嫗日視其獅甚數人怪問之知其故陰以脂塗獅目嫗見其赤不知其偽也遂亟走焉不數日而邑城遂淪沒

東明縣志

卷之七

妖異

十六

石羊異 羊在裕州屯以南小娘子墳夜則食人田禾居民鎗截數鎗有痕深寸餘後遇識寶者領下斷去少許其羊遂不動至今猶存

龍異 馮重禮其先山西襄垣人明 治間遷居東明二十餘年有田夫投宿其家象視甚奇古詰旦求爲傭工問其姓名曰吾與公同鄉里襄垣人也焦其姓以貧故爲傭當呼爲小焦兒禮留之凡委任悉稱意旨一日命耘田禮往視見憇苗下有小蛇出入口鼻中正德八年境內大旱焦自禮詣黃河南拾麥數

日回手持一小囊語禮曰麥至矣可掃數房盛貯禮
笑曰囊小焉用數房曰請試之盈三房小囊麥尚未
盡元宵節邀禮赴山西燈會禮辭以塗遠曰不難遂
負禮令瞋目須臾即到會畢仍負禮歸禮始知非塵
凡人也愈敬重三年辭去禮曰後見有期乎曰試看
西北雷震驟風暴雨即吾至也相見終屬不便感公
誼附近四十里不受冰雹乃所以報公者言訖忽昏
霧少頃雷聲大作赴西北去至今呼爲龍王馮家居
民立焦龍王祠祀焉

按襄垣志龍王焦姓誕九師村七歲不能言遇異人授秘術遂

東明縣志

卷之七

妖異

七

通象數致雲雨人呼爲焦道士嘗與老馮同牧羊于外祖家後仙入龍洞偶值旱馮入洞取水輒雨宋元開封昭澤王取水者世世皆馮子孫重禮其苗裔云至今果無雹患

嘉靖間生員吳東魏素忠誠一日拾菽園中偶見一
物如蜥蜴狀躍入膺上遂不見熟視其膚隱隱若赤
綿然長三寸許心大駭疑其爲龍祝之曰此龍也異
日變化飛騰得無傷我乎每陰雨輒露膺向戶外數
十年夢龍謂曰吾離爾身去矣飛入簷際詰旦以語
里人盡笑以爲誕是歲東魏卒越二載大雨溢注其
簷際起一龍云

火異 有毛回子者萬 二年二月初二日同妻往耘
田忽震雷大雨如注有火光如斗大旋遶院宇中舉
家驚異有頃回子携妻歸于途火遶回子身七竅灼
騰妻愴惶哀乞全屍火旋滅止剝皮膚骨骸已灰燼
矣

魚異 張至強夜夢一人形容古怪謂曰吾龍也誤遭
漁人手傷其尾煩君救援既覺心異之如而見一魚
尾傷鬻入水中時隆冬忽陰雨四合雷聲震遠迺

鳥異 邑南民某妻蚤喪遺穉子屢爲繼室所窘一日
東明縣志 卷之七 風異 八
某外出鳥啼鳴其前已而擊其帽落地某驚疑返家
門扃固踰垣竊窺穉子方遺毒楚繼室見某至驚走
子乃得全

服異 正德間裴子岩居民尙侈靡服務淫巧有一衣
上下二色者有以馬尾結爲裙者識者謂爲服妖
後必有災無何而流賊至境內皆被其害而裴子岩
獨慘

栢異 文廟戟門外栢樹陰森內一株去泮池東南丈
許干樹杪另生枝幹鬱葱聳翠如檜木狀觀者咸以

爲人文之瑞云

狼異 順治二年狼忽遍野如犬形三五成群凡民間
羊豕多爲所食甚至幼年童子亦被其害者間有山
猪狀如牛人莫敢近

外傳

春秋陽虎魯季氏家臣也昭公出季平子攝政陽虎執國命國人憚之平子卒桓子立陽虎逐季氏之臣及其子若弟又囚桓子與之盟而釋之定公八年虎欲去三桓將享季氏於蒲圃而殺之不獲入于譙陽圃以叛魯伐陽圃虎使楚萊門師驚犯之出奔齊齊侯執虎虎以計逃奔宋遂奔晉適趙氏趙簡子問曰吾聞子善樹人虎曰臣居魯樹三人皆爲令尹及虎抵罪於魯皆搜索虎臣居齊荐三人一人得近王一人爲縣令一人爲候

東明縣志

卷之七 外傳

三

吏及臣得罪近王者不見臣縣令者迎臣執縛候吏者迎臣至境上不及而止虎不善樹人俛而笑曰樹橘柚者食之則甘嗅之則香樹枳棘成而刺人故君子慎所樹

晉卞範之濟陰宛句人太元中自丹陽丞爲始安太守桓 少與遊陸爲長史潛謀秘計莫不決之後 將篡亂以範之爲丹陽尹範之與敦仲又陰撰策命進範之爲散騎常侍 僭位以範之爲侍中其禪詔卽範之文也 奢侈無度範之亦盛營館第自以佐命元勳深懷

矜伐以富貴驕人子弟傲慢衆畏嫉之義軍起範之屯
兵覆舟山西爲劉毅所敗隨西走兵旣敗左右分散
唯範之在側 乎斬于江陵

唐黃巢曹州冤句人本以販塩爲事乾符中仍歲凶荒
人饑爲盜里人王仙芝尙讓等聚衆起於濮陽陷曹鄆
諸州衆號三十萬仙芝旣敗尙讓乃與群盜推巢爲主
南陷湖湘遂據交廣北踰五嶺轉入江浙所過望風降
附已而西寇洛陽進攻潼關僖宗出奔遂入長安僭位
國號大齊年號金統中和元年鄭畋出師馳檄告諭天

東明縣志

卷之七 外傳

三

下諸侯勤王之師四面俱會李克用自夏陽渡河決戰
三捷大敗賊軍收復京師巢出藍田東走關東敗秦宗
權之兵進圍陳州自唐鄧許汝孟鄭汴濮兗數十州畢
罹其毒四年克用率山西諸軍由蒲陝濟河會關東諸
侯復援陳州諸侯之師復集巢兵大敗入泰山徐帥遣
將掩捕至狼虎谷巢爲其將林言所斬

畢師鐸曹州冤句人乾符初與里人王仙芝相聚爲盜
陷曹鄆荆襄師鐸善騎射其徒目爲鶴子仙芝死來降
高駢初敗黃巢浙西皆師鐸梁纘之效也頗寵待之駢

末年惑於呂用之舊將皆以讒構見殺師鐸意不自安
會楊行密兵逼淮駢令師鐸率三百騎戍高郵戍主張
神劍亦怒用之兩人謀自安之計推師鐸爲盟主移檄
郡縣以誅用之爲名攻陷廣陵已而秦彥軍至署師鐸
爲行軍司馬後爲孫儒所斬

逸事

東漢申屠蟠字子龍外黃人同郡侯氏女玉爲父報仇殺夫氏之黨吏執以告令梁配欲論殺之蟠曰玉之節義足以感無耻之孫激忍辱之子配乃爲減死

晉范喬字伯孫外黃人臘夕盜斫其樹有告者喬佯不聞邑人愧而歸之喬曰取柴欲與父母相權耳何以愧爲

晉卞夫人裴氏晉大夫卞壺之妻也明洪武初太祖微行嘗至朝天宮前一孝婦重服而大笈問曰觀夫人之

東明縣志

卷之七

逸事

三

被服如此而胡盧大笑何也曰吾夫爲國而死爲忠臣吾子爲父而死爲孝子然則天下之夫人其好夫好子未有如我者矣吾所以喜而笑也太祖問汝夫已葬乎婦人以手指示之曰去此數十步是吾夫埋玉之處也言訖忽不見太祖識其處明日命有司往視之則黃土一坯草木森鬱及掘數尺見其誌則晉卞壺所藏也面色如生兩手皆拳其指甲出手背外六七寸是時城中墳墓有禁太祖以其爲忠臣也遂命掩之仍爲立廟命

有司春秋祀之

見孤樹
哀談

梁蕭綜封豫章王武帝第二子初綜母吳淑媛在齊東昏侯宮及幸武帝七月而生綜宮中多疑之及綜年十四常夢一少年肥壯自挈其首綜問母母問夢中形狀類東昏因令勿泄綜遂於別室祠齊廟然猶無以自信聞俗說以生者血瀝死者骨滲卽爲父子綜私發東昏墓出其骨瀝血試之果驗

唐劉晏 宗御勤政樓大張樂羅列百伎時教坊有王大娘者善戴百尺竿竿上施木山狀瀛洲方丈令小兒持絳節出入于其間歌舞不輟是時劉晏以神童爲秘

東明縣志

卷之七

逸事

七

書正字年方十歲形狀猥劣而聰悟過人 宗召於樓中簾下貴妃置于漆上爲施粉黛與之巾櫛 宗問晏曰爲正字正得幾字晏曰天下字皆正惟朋字未正得貴妃復令詠王大娘戴竿晏應聲曰樓前百戲競爭新惟有長竿妙入神誰謂綺羅翻有力猶自嫌輕更著人 宗與貴妃諸嬪御歡笑移時聲聞于外因命以牙笏及黃文袍賜之

元彭仲德東明人至正間知絳州勤干政事賦役均平時遇饑饉勸借貸民斷獄明決至於農桑學校無不盡

心焉

明姚建中家貧訪館于河南經魏家灣有魏士貞者雞黍留欵越歲建中補邑庠弟子員赴灣拜士貞士貞已物故矣欵欵久之至井邊汲水飲見一穉兒在井內粘穉中倉皇救出則士貞子也村人大駭其異

朱全萬 三十年王家口奉命開新河全嚮黎其間適瘟疫盛行不數日黎市盡息十倍全亦染疫不起謂其主曰吾病大漸幸有錢十數緡付汝爲給朝夕不諱市棺歛殯抵暮暈倒氣未絕主利其財用黎包盛貯瘞

東明縣志

卷之七

逸事

三

于郊外有頃甦醒恨瘞于土詰旦犬發其塚乃得起主人聞之懼昇至家服罪奉養數日得痊旋里

明天啟二年冬十月山東白蓮徐鴻儒作亂號稱數萬逼近本境中外惶怖邑西紅門村舊有關聖廟一所里人焚香討示避亂方向須臾一村人素痴呆者忽昏仆在地又忽跳躍而起口稱係關聖香火靈官大聲道爾東明境內托賴三箇善人庇護今尙無患里人問善人果是何等曰善人乃忠臣孝子悌弟信友義士德婦也如本村農人張某新娶兒媳孝翁姑敬夫子日操井日

勤織紡月不邪視口不妄言此便可當得善人一箇里人又問本境何年月是遇患時候曰黃河泛漲便是東明劫數及庚寅順治七年荆隆口河決洪水橫流城內外遠近村庄廟社由宅園林一望漂沒淒然在目人謂黃河泛漲二語爲豫兆云

江西進士楊日升自以爲莊子後身康熙七年令東明閱縣誌知邑爲漆園故郡訪莊周墓衆以裕州屯莊子觀對旋往視之曰此漆園舊治耳非其墓也後以事適城東北十里許見一古邱大數畝高數丈遙指之曰此東明縣志

卷之七

逸事

二十六

莊周墓也詢其附近居民果皆莊姓遂築墻建祠春秋設祭時或未之深信後命工人塑像塑工難之正躊躇間于墻壕內得一莊子瓦像人皆駭其神異

仙釋

漢龐居士明帝時人捕魚爲生家巨富好施予人有稱貸者不責其償名曰來生債二秀士赴京求官各借銀百兩驢一頭至前途憇樹下夢中聞有相對語者既覺四顧無人正疑間忽二驢作人言對以夙負居士債償未完不願隨去二人大驚乃相謀返原物及抵居士庄鵝鴨等皆言負債狀居士感悟亦棄家修行卒成佛漢薊子訓建安中客濟陰宛句嘗抱隣家嬰兒失手墮地面死埋之月餘子訓抱兒歸父母大恐發瘞所視之地東明縣志

卷之七 仙釋

三七

但見衣被方信焉過滎陽主人車驢忽斃子訓以杖四之驢應聲奮起去之日惟見白雲騰起時有百歲翁言見時見訓賣藥會稽市後人于長安見與一老翁共摩挲銅人相謂曰適見鑄此已五百歲矣嘗駕所乘驢見者呼薊先生

宋文通慧姓張氏脫俗白雲寺師令掌廁盥盆忽有白鮮者沃於盆文偶擊之仆地死文懼奔鞏州總持寺久之爲長老忽曰三十年前一段公案今日當了衆問故曰日午當自知之遂跌坐以待時張浚統兵至關中一

卒持弓矢至法堂瞠目視文將射之文笑曰老僧相俟久矣卒曰一見卽欲相害不知何讎文語以故卒悟曰冤冤相報何時了劫劫相纏豈偶然不若與師俱解釋如今立地往西天視之已立化矣文卽索筆書偈云三十三年飄蕩做了幾番模樣誰知今日相逢却是從前孽障書畢泊然而化

明隆萬間邑東南距邑五十餘里金堤集北有老人年七旬平昔嗜食羊肉點心因病腸癰旦夕且死一日思詣集釋悶厥子掖扶至道一道士迎面而來謂其子曰

東明縣志

卷之七

仙釋

三六

子父病腸癰亡在旦夕吾立刻能回爾父生但未知肯罄貲相謝否厥子應聲曰誠得親壽家非所恤也須臾道士張口向病人口大呵如大咲然聲聞里許病者如吞其飴飲甘露通體和暢立刻大痊厥子敦請道士至家率家人羅拜將踐相謝之約道士曰吾活人自是本等但試爾孝心何如耳余方辟穀茹芝又奚事貨利爲父若子送至道上奄忽不見因立望仙廟以誌不忘今其遺址存焉

明萬 四十一年一道士修髯偉貌羽衣揮塵年近四

旬類有道術者自號爲東海孔道人以賣藥爲業因住持于縣西第二寨之牛王社鄉人初未之奇也有求醫者或給以剉劑丸散或假按摩或施導引之術所應無不立效四境迺競傳其神然率不取利飲食之而已識者以爲東海故安期羨門之所居也道人其壺隱者流與

明萬季江百福者身長幾陸尺面深黑色足蹇形貌古怪言論颺發由江左徽州隨叔父經商茲地因家焉年三十許忽染勞瘵臥床累月行且就木一日所親謂

東明縣志

卷之七

仙釋

七

之曰何不招孔神仙乎因備禮往延既至孔曰勞瘵也因用按摩盡導引之術甫三移時而沉疴頓起覺饑思食孔曰久不食腸細矣漸次增之庶無患自是服白米粥日三次次三鍾半饑半飽教以導引旦晚不倦匝月如初孔辭去囑曰須保重勿犯犯之不治及兩月復犯病視前較危家人不得已復泣懇孔孔再至曰吾饒有回生術不能救要死人吾盡吾心焉耳因仍用前法竟日始效江大懼留孔同寢食日夜傾心學導引始終約三百餘日天門大開竟寬寸許自是凡一切調藥立方

不傍成書所經醫無不奇中發願施真正萬應膏三年
濟及七省群呼爲江神仙云後以身家念重藐姑典關
惜未得偕孔道人同證仙果也

明隆萬間一道人自南方來金堤集山林骨起飄然有
仙氣隱其里籍姓名不以告人焚修于本集鄉社中人
每傳其爲西兗備兵使者同進士年譜也備兵使者三
顧而三避之居數歲一日謂山衆曰吾午刻當去僂僂
作遠別狀人以爲癩及午移視之竟坐化矣同日有附
集里人赴縣上糧亦稱其作別云云集人因修塔立碑

東明縣志

卷之二 仙釋

三

以紀之

明啟禎間崔韞字輝之侍御嫡孫也少穎邁寡言咲工
真草書白面卷鬚丰姿舒偉弱冠補弟子員食餼尋以
例入國學好讀楞嚴金剛諸經杜門家修數載一旦題
一偈于壁云看破世事空華咲得眼睛如縫一朝撒手
雲遊誓不回頭墮旣書畢投筆出門遂披緇于開州之
千佛閣不數日卽爲五臺遊五臺僧衆以千計而法壇
禪教群推崇焉

國朝順治年間以粧佛像抵姑蘇道經徐州因坐化十

獅子庵其弟子奉爲範園祖師云

國朝順治間邑北東崔姓者以牙爲業後病啞不能言久之避水河南誓矢盡願丙申河塞回籍牧牛陂澤中遇一道士曰爾旣改行吾爲爾驅啞須臾袖中取出一壺長三寸許鍾可容合挹酒盈鍾其香塞鼻勒命啞子飲盡自是一言一語如常人鄉人驚而傳之

府庠生郭先覺居邑設帳病疫將革見一道士至榻前論之曰憐爾清慎篤行吞此藥可以不死遂以藥授之霍然病已因叩姓名以圖環報道人吟詩曰此生何苦
東明縣志

卷之七 仙釋

三

問仙名仙名只在山石中笑剪桐葉化彩雲好向蕭湘自在行吟訖不見山石蓋岩字知其爲純陽子也

資壽寺在縣東二十里陽進集

唐天寶建

萬 四十二年重修 邑人副使穆文熙有記詳藝文誌

瀾城寺在縣東二十里

六園寺在縣東二十五里

大興寺在縣東三十里

塔堽寺在縣東六十五里

小單觀音寺在縣東南十里

康熙九年知縣楊日升重修

東明縣志

卷之七

寺觀

三

興智寺在縣東南三十里

邑人吏部員外劉輔有記詳藝文誌

石佛寺在縣東南三十里馬王薄集

邑人國學生劉待聘有記詳藝文誌

出城寺在縣東南三十里舊南東明城南宋元以前建

尋沒于河永樂己卯重興

開州修撰劉矩有記詳藝文誌

觀音寺在縣東南三十五里五伯堽迤南東北隅有城

隍廟相傳宋真宗謁泰山經此日暮城隍迎駕送勅

立廟

清涼寺在縣東南四十里展家屯

觀音寺在縣東南五十里夏營

懷慶婁樞有記

寺觀

三官廟在縣治西

永樂年間建

順治庚寅河決荆隆廟被水渰棟折垣頽知縣楊素
蘊重修

龍興寺在縣治西南 官廳五間 大殿五間 前殿

五間 伽藍殿三間 祖師殿三間 天王殿三間

接引佛殿三間

嘉靖十年知縣宋亨重修 邑人鄉貢進士王一民記
畧載藝文志

東明縣志

卷之七

寺觀

三

萬 九年邑人楊思仁等重修 自為記詳藝文志

順治庚寅河決渰廢康熙九年知縣楊日升重修

玉皇廟在縣東關外

萬 四十二年建

康熙十一年知縣楊日升重修講鄉約于其中

東嶽祠在東關外東北隅

嘉靖十一年建

萬曆四十一年重修 邑人尚書石星記畧載藝文志

大路寺在縣東十五里裕州屯後

朱堽寺在縣東南五十五里

舊賢寺在縣東南六十里

觀音堂在縣南三里許家軍營

萬曆三年建

龍骨寺在縣南二十里楊旺營前相傳舊為清淨庵金

冠李道姑住持道姑江南人美姿容有求聘者輒暴

死遂出家雲遊至此寓焉宋真宗謁泰山見而悅之

納為妃後誕仁宗乃改菴為龍骨寺碑記尚存

郝士連寺在縣南三十里

東明縣志

卷之七

寺觀

三

萬僧寺在縣南三十里劉官營

關王廟在縣南五十里徐村店

嘉靖年間建

邑人鄉貢進士徐寶石記

明陽寺在縣南五十里裴子岩

白佛寺在縣南五十里郭堯屯

永康寺在縣南六十里

真如寺在縣南六十里陳里長屯

景元寺在縣西南二十里西東明集西

梁時開建

元至正年間修

興國寺在縣西南二十里葛垵

觀音寺在縣西南二十里葛垵

平塚寺在縣西南三十五里平塚營

真武廟在西關

嘉靖三十年建 邑人尚書石星記畧載藝文誌

娘娘廟在縣西關一里許

隆慶元年建 卽東嶽神祠邑人鄉進士楊思智有記

開元寺在縣西八里第二寨

東明縣志 寺觀

三五

宋太平興國年間建

明永樂七年重修

高垵寺在縣西十五里高垵店

唐景德四年建

明正統二年重修

南焦寺在縣西二十里茅子庄

漢桓帝元年建

明洪武三十二年重修

壽聖寺在縣西三十里武

泰山行宮在縣西北五里雙井村

隆慶年間建 邑人吏部郎中趙國璧有記詳藝文誌

隆興寺在縣西北十五里八照村

晉太康元年建

元至正元年修

莊子觀在縣東十二里裕州屯南久廢知縣楊日升查出有地三十六畝歸北觀供祭

康熙五十年生員岳克昌募衆重建春秋致祭知縣王積隆命原地仍歸本觀以供香火北觀祭典官辨

東明縣志

卷之七 寺觀

三十六

北莊子觀在縣東北二十五里北首莊子墓

康熙十四年知縣楊日升創建春秋致祭 自爲記載藝文誌

老君堂在縣北二十里

嘉靖三十六年建 開州尚書王崇慶記畧載藝文誌

水月庵在城東北隅漆水環流睥睨在望每歲藕花馥郁魚鳥狎飛蓋邑之勝地也

明崇禎年間邑人崔京兆邦亮建

清順治年間知縣楊素蘊損貲重修

康熙辛丑河決釘舡帮水經其前淪于河

福興寺在縣東北十五里東臺

梁貞明三年建

寺僧尚存梁時三寶銅印背刻貞明三年

成化間重修時尚隸開州

治間屬東明

貞明員外劉輔

有記詳

藝文誌

白雲寺在縣東北二十里海頭集

明洪武元年重修

大王廟在縣西關里許

天齊廟在縣北關外

康熙三十二年居民李雲鵬李雲鸞捐地創建

東明縣志

卷之七

寺觀

乾隆二十年重修今講鄉於其中計地一十二畝四

分

泰山行宮在南關外俗傳為靈奶奶廟凡有祈禱輒應

順治七年黃水滄廢

康熙四十一年居民賀聯魁甄致中賀嘉猷等重修

真空庵在縣北里許

萬初年邑人尚書石星為高僧徐真空

家堂

慈雲庵在龍興寺寺舊有白衣準提庵年久傾